

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

«___» 2020 թվականի N ___ Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2019 ԹՎԱԿԱՆԻ
ԴԵԿՏԵՄԲԵՐԻ 26-Ի N 1919-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ
ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

«Հայաստանի Հանրապետության բյուջետային համակարգի մասին» Հայաստանի Հանրապետության օրենքի 23-րդ հոդվածի 3-րդ մասին համապատասխան՝ Հայաստանի Հանրապետության կառավարությունը **որոշում է**.

1. Հայաստանի Հանրապետության կառավարության 2019 թվականի դեկտեմբերի 26-ի «Հայաստանի Հանրապետության 2020 թվականի պետական բյուջեի կատարումն ապահովող միջոցառումների մասին» N 1919-Ն որոշման NN 3, 4, 5, 9, 9.1 և 10 հավելվածներում կատարել փոփոխություններ՝ համաձայն սույն որոշման NN 1, 2, 3, 4, 5 հավելվածների:

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

Տ Ե Ղ Ե Կ Ա Ն Ք

«Հայաստանի Հանրապետության կառավարության 2019 թվականի դեկտեմբերի 26-ի N 1919-Ն որոշման մեջ փոփոխություններ և լրացումներ կատարելու մասին» Հայաստանի Հանրապետության կառավարության որոշման նախագծի ընդունման վերաբերյալ

1. Իրավական ակտի անհրաժեշտությունը (նպատակը)

«Հայաստանի Հանրապետության կառավարության 2019 թվականի դեկտեմբերի 26-ի N 1919-Ն որոշման մեջ փոփոխություններ կատարելու մասին» ՀՀ կառավարության որոշման նախագծի (այսուհետ՝ Նախագիծ) ընդունման անհրաժեշտությունը պայմանավորված է կենսաթոշակների, նպաստների և այլ վճարատեսակների ֆինանսավորման գործառույթի իրականացումն ապահովելու հանգամանքով:

2. Կարգավորման հարաբերությունների ներկա վիճակը և առկա խնդիրները

Նախագծով նախատեսվում է իրականացնել Հայաստանի Հանրապետության 2020 թվականի պետական բյուջեով (այսուհետ՝ Բյուջե) նախատեսված ծրագրերի (միջոցառումների) համար հատկացումների գծով միջծրագրային վերաբաշխումներ: Մասնավորապես.

Սոցիալական ապահովության ծառայության միջոցով իրականացվող ծրագրերի (միջոցառումների) համար՝

Ավելացնել 9 ամսվա և տարեկան միջոցառումներին՝

- 1068 «Ժողովրդագրական վիճակի բարելավում» ծրագրի.
- «Երեխայի ծննդյան միանվագ նպաստ» 12002 միջոցառում,
- 1102 «Կենսաթոշակային ապահովություն» ծրագրի.

- «Սպայական անձնակազմի և նրանց ընտանիքների անդամների կենսաթոշակներ» 12001 միջոցառում

- 1068 «Ժողովրդագրական վիճակի բարելավում» ծրագրի.

- «Մինչև 2 տարեկան երեխայի խնամքի նպաստի տրամադրման ապահովում» **11001** միջոցառում

- 1205 «Սոցիալական ապահովություն» ծրագրի

- «Կենսաթոշակառուի, ծերության, հաշմանդամության, կերակրողին կորցնելու դեպքում նպաստառուի մահվան դեպքում տրվող թաղման նպաստ» 12002 միջոցառում,

- 1082 «Սոցիալական աջակցություն անաշխատունակության դեպքում» ծրագրի.

- «Ժամանակավոր անաշխատունակության նպաստ» 12001 միջոցառում,

- «Մայրության նպաստ» 12002 միջոցառում,

նվազեցնել 9 ամսվա և փարեկան միջոցառումներից՝

- 1011 «Անապահով սոցիալական խմբերին աջակցություն» ծրագրի

- «Ընտանիքի կենսամակարդակի բարձրացմանն ուղղված նպաստների իրականացման ապահովում» 11001 միջոցառում,

- 1011 «Անապահով սոցիալական խմբերին աջակցություն» ծրագրի «Ընտանիքի կենսամակարդակի բարձրացմանն ուղղված նպաստներ» 12001 միջոցառում:

- 1102 «Կենսաթոշակային ապահովություն» ծրագրի.

- «Աշխատանքային կենսաթոշակներ» 12003 միջոցառում

Այսպես.

- **Բյուջեով 1068 «Ժողովրդագրական վիճակի բարելավում» ծրագրի.**

«Երեխայի ծննդյան միանվագ նպաստ» 12002 միջոցառման գծով առկա են հետևյալ ցուցանիշները՝

Բյուջեով հաստատված տարեկան թվաքանակ՝ 36200 երեխա, տարեկան գումար՝ 13,755,350.0 հազար դրամ,

	Տարի /թվաքանակ/	I կիսամյակ հաստատված /թվաքանակ/	I կիսամյակ /իրավունք ձեռք բերած /թվաքանակ/	9 ամիս Հաստատված /թվաքանակ/	9 ամսվա լրացուցիչ պահանջ /թվաքանակ/	Լրացուցիչ պահանջ /գումար/ (հազար դրամ)
Ընդամենը	36200	14480	17420	25340	3672	1,237,900.0
1-ին և 2-րդ երեխա՝	27874	11150	12832	19511	3483	1,044,900.0
3-րդ և 4- րդ երեխա՝	7998	3199	4380	5599	181	181,000.0
5 և ավելի երեխա՝	328	131	208	230	8	12,000.0

Բյուջեով 9 ամսվա համար հաստատվել է՝ 9,628,745.0 հազար դրամ, իրականացվել է միջեռամսյակային տեղաշարժ՝ 392,180.0 հազար դրամ, **ճշտված բյուջե՝ 10,020,925.0** հազար դրամ:

I կիսամյակի ընթացքում փաստացի ծախսը կազմել է՝ 5,825,250.0 հազար դրամ, իսկ արդեն Հուլիս ամսվա ծախսը՝ 1,812,450.0 հազար դրամ, 7 ամսվա ծախսը կազմել է՝ 7,637,600.0 հազար դրամ:

Ըստ այդմ, հաշվի առնելով, որ կիսամյակի միջին ամսական ծախսի նկատմամբ վերջին ամսվա ծախսը աճել է 86%-ով՝ պայմանավորված 2020թ. հուլիսի 1-ից ուժի մեջ մտած օրենսդրական փոփոխություններով, ինչպես նաև ըստ հերթական կարգաթվերի երեխաների թվաքանակի աճի տենդենցը՝ 9 ամսվա կանխատեսվող պահանջը կկազմի շուրջ 11,258,825.0 հազար դրամ: Այսպիսով՝ 9 ամսվա և տարեկան պահանջի ֆինանսավորման համար անհրաժեշտ լրացուցիչ միջոցները կկազմեն՝ 1,237,900.0 հազար դրամ:

➤ Բյուջեով 1068 «Ժողովրդագրական վիճակի բարելավում» ծրագրի.

«Մինչև 2 տարեկան երեխայի խնամքի նպաստի տրամադրման ապահովում»

11001 միջոցառման գծով Բյուջեով տարեկան գումար է հատատվել՝ 10,056,7 հազար

դրամ: 9 ամսվա 7,039.7 հազար դրամ հաստատված բյուջեի պայմաններում 7 ամսվա փաստացի ծախսը կազմել է՝ 7,039.7 հազար դրամ:

Տարեկան կանխատեսվող պահանջը կկազմի շուրջ՝ 14,526.7 հազար դրամ, ուստի անհրաժեշտ լրացուցիչ միջոցները կկազմեն 9 ամսվա համար շուրջ 2850.0 հազար դրամ և տարեկան 4,470.0 հազար դրամ:

➤ **Բյուջեով 1082 «Սոցիալական աջակցություն անաշխատունակության դեպքում» ծրագրի.**

«Ժամանակավոր անաշխատունակության դեպքում նպաստ» 12001 միջոցառման գծով Բյուջեով հաստատվել է տարեկան 1,643,056.1 հազար դրամ:

9 ամսվա համար հաստատվել է՝ 985,833.7 հազար դրամ, 1-ին կիսամյակում իրականացված 657,222.4 հազար դրամ միջեռամսյակային տեղաշարժի արդյունքում 9 ամսվա ճշտված Բյուջեն կազմել է 1,643,056.1 հազար դրամ (տարեկան հաստատված գումարի 100%-ը):

1-ին կիսամյակում **փաստացի ծախսը** կազմել է՝ 1,587,493.0 հազար դրամ:

Հուլիս ամսվա ծախսը կազմել է 52,120.9 հազար դրամ, 7 ամսվա փաստացի ծախսը կազմել է՝ 1,639,613.9 հազար դրամ:

ՊԵԿ 2020 թվականի հունիս ամսվա հայտի պահանջը մասամբ ֆինանսավորելուց հետո դեռևս ենթակա է ֆինանսավորման՝ 488,125.5 հազար դրամ:

Հաշվի առնելով միջոցառման գծով ամսական պահանջի աճի տենդենցը, ինչպես նաև հատկապես ներկա պայմաններում հիվանդությունների թվի աճը և դրան զուգահեռ հուլիս ամսվա պահանջի աճը՝ 540,125.3 հազար դրամ՝ **տարեկան կանխատեսվող նվազագույն** պահանջը կկազմի 4,015,033.6 հազար դրամ, ուստի անհրաժեշտ լրացուցիչ միջոցները կկազմեն 9 ամսվա համար **նվազագույնը** 1,011,464.3 հազար դրամ և 10 ամսվա **նվազագույնը** 1,575,419.7 հազար դրամ:

➤ **Բյուջեով 1082 «Սոցիալական աջակցություն անաշխատունակության դեպքում» ծրագրի «Մայրության նպաստ» 12002** միջոցառման գծով.

Բյուջեով տարեկան ծախս է հաստատվել՝ 8,268,255.6 հազար դրամ:

9 ամսվա Բյուջեն հաստատվել է 7,441,430.0 հազար դրամ, իրականացվել է միջեռամսյակային տեղաշարժ 170,406.8 հազար դրամի չափով, ճշտված Բյուջեով կազմել է՝ 7,611,836.2 հազար դրամ, որով 9 ամսվան հատկացվել է տարեկան հաստատված գումարի 92.1%-ը:

1-ին կիսամյակում **փաստացի ծախսը** կազմել է՝ 5,131,094.4 հազար դրամ:

Հուլիս ամսվա ծախսը կազմել է՝ 1,624,355.9 հազար դրամ (ՊԵԿ-ին ֆինանսավորել է հունիս ամսվա՝ 789,098.5 հազար դրամ, որը ներառում է ՊԵԿ-ի մայիս ամսվա հայտի պահանջի պարտքը՝ 347,331.0 հազար դրամ): 7 ամսվա **փաստացի** ծախսը կազմել է՝ 6,755,449.02 հազար դրամ:

Տարեկան կանխատեսվող պահանջը կկազմի շուրջ 10,775,255.0 հազար դրամ, ուստի անհրաժեշտ լրացուցիչ միջոցները կկազմեն՝ 9 ամսվա 1,023,914.0 հազար դրամ և տարեկան նվազագույնը 2,507,000.0 հազար դրամ:

➤ **Բյուջեով 1102 «Կենսաթոշակային ապահովության» ծրագրի.**

«Սպայական անձնակազմի և նրանց ընտանիքների անդամների կենսաթոշակներ» 12001 միջոցառման գծով

Բյուջեով տարեկան հաստատվել է՝ 30,133,718.5 հազար դրամ:

9 ամսվա Բյուջեն հաստատվել է՝ 22,901,626.1 հազար դրամ, իրականացվել է միջեռամսյակային տեղաշարժ 198,494.6 հազար դրամ, ճշտված Բյուջեով կազմել է՝ 23,100,120.7 հազար դրամ:

1-ին կիսամյակի փաստացի ծախսը կազմել է՝ 15,539,964.8 հազար դրամ, հուլիս ամսվա ծախսը կազմել է՝ 2,571,042.7 հազար դրամ:

Օգոստոս-սեպտեմբեր ամիսների կանխատեսվող պահանջը կկազմի շուրջ՝ 5,200,000.2 հազար դրամ (Բյուջեի հաստատման ժամանակ հաշվարկներում չի ներառվել զինվորական ստաժի մեկ տարվա արժեքի ավելացումը՝ 100 դրամով), ուստի 9 ամսվա անհրաժեշտ լրացուցիչ միջոցները կկազմեն շուրջ 210,887.0 հազար դրամ, իսկ տարեկան անհրաժեշտ լրացուցիչ գումարը՝ 980,000.0 հազար դրամ:

➤ **Բյուջեով 1205 «Սոցիալական ապահովություն» ծրագրի.**

«Կենսաթոշակառուի, ծերության, հաշմանդամության, կերակրողին կորցնելու դեպքում նպաստառուի մահվան դեպքում տրվող թաղման նպաստ» 12002 միջոցառման գծով

Բյուջեով տարեկան հաստատվել է՝ 4,402,000.0 հազար դրամ:

Բյուջեով 9 ամսվա համար հաստատվել է՝ 3,433,560.0 հազար դրամ, իրականացվել է միջոցառման շրջանում տեղաշարժ 255,000.0 հազար դրամ, ճշտված Բյուջեն կազմել է՝ 3,688,560.0 հազար դրամ:

1-ին կիսամյակի ժամանակահատվածում փաստացի ծախսը կազմել է՝ 2,571,122.5 հազար դրամ, իսկ հուլիս ամսվա ծախսը կազմել է 470,705.0 հազար դրամ:

Օգոստոս-սեպտեմբեր ամիսների կանխատեսվող պահանջը կկազմի շուրջ 996,732.5 հազար դրամ, տարեկան պահանջը՝ 4,962,000.0 հազար դրամ:

Այսպիսով, միջոցառման գծով **լրացուցիչ պահանջը** կկազմի՝ **9 ամսվա համար՝ 350,000.0** հազար դրամ, **տարեկան՝ 560,000.0** հազար դրամ, որի ապահովումն առաջարկվում է իրականացնել միջոցառման շրջանում տեղաշարժի միջոցով:

Հաշվի առնելով, որ I կիսամյակի կենսաթոշակառուների, նպաստառուների մահերի թիվը կազմել է 12855՝ կենսաթոշակառուների, նպաստառուների մահերի 9 ամսվա թվի կանխատեսվող աճը կկազմի շուրջ՝ 1750 անձ, իսկ տարեկան՝ 2800:

➤ **Բյուջեով 1102 «Կենսաթոշակային ապահովության» ծրագրի.**

«Աշխատանքային կենսաթոշակներ» 12003 միջոցառման գծով

Բյուջեով տարեկան հաստատվել է՝ 246,472,032.3 հազար դրամ,

9 ամսվա Բյուջեն հաստատվել է՝ 183,868,136.1 հազար դրամ:

1-ին կիսամյակի փաստացի ծախսը կազմել է՝ 119,628,959.0 հազար դրամ, 7 ամսվա ծախսը կազմում է 139,417,754.0 հազար դրամ:

Օգոստոս-սեպտեմբեր ամիսների կանխատեսվող պահանջը կկազմի շուրջ՝ 43,000,000.0 հազար դրամ (Բյուջեի հաշվարկներում ներառվել է Հանրապետությունից բացակայող կենսաթոշակառուների թվաքանակի և նախորդ տարվա չվճարված կենսաթոշակների ամիսների աճը), ըստ այդմ 9 ամսվա 600,000.0 հազար դրամ

տնտեսվող գումարը առաջարկվում է նվազեցնել՝ իրականացնելով միջծրագրային վերաբաշխում:

➤ **Բյուջեով 1011 «Անապահով խմբերին սոցիալական աջակցության» ծրագրի.**

«Ընտանիքի կենսամակարդակի բարձրացմանն ուղղված նպաստների տրամադրման իրականացման ապահովում» 11001 միջոցառման գծով

Տարեկան ճշտված Բյուջեով ծախս է հաստատվել՝ 372,223.8 հազար դրամ,

9 ամսվա համար ճշտված Բյուջեով ծախս է հաստատվել է՝ **261,961.2** հազար դրամ, Շ ամսվա ծախսը կազմել է **150,099.9** հազար դրամ (ֆինանսավորվել է հունիս ամիսը):

Հուլիս-դեկտեմբեր ամիսների կանխատեսվող պահանջը (միջինի հաշվարկով) կկազմի շուրջ՝ **150,100.0** հազար դրամ, ըստ այդմ *տնտեսվող* գումարը կկազմի շուրջ՝ **65,000.0** հազար դրամ:

Առաջարկվում է *տնտեսվող* գումարներից նվազացնել՝ 9 ամսվա **32,049.5** հազար դրամը և տարեկան՝ **62,027.5** հազար դրամ՝ իրականացնելով միջծրագրային վերաբաշխում:

1011 «Անապահով խմբերին սոցիալական աջակցության» ծրագրի.

«Ընտանիքի կենսամակարդակի բարձրացմանն ուղղված նպաստներ» 12001

միջոցառման գծով ճշտված Բյուջեով տարեկան ծախս է հաստատվել՝ **37,227,144.8** հազար դրամ, պակասեցվել է՝ **300,000.0** հազար դրամ, ճշտված կազմել է՝ **36,927,144.8** հազար դրամ:

I կիսամյակի ճշտված Բյուջեն կազմել է՝ **16,284,853.8** հազար դրամ, ծախսը կազմել է **15,060,494.8** հազար դրամ:

9 ամսվա ճշտված Բյուջեն կազմել է՝ **26,081,184.6** հազար դրամ:

Հուլիս ամսվա ծախսը կազմել է **2,567,866.0** հազար դրամ:

9 ամսվա և տարեկան *տնտեսվող* գումարը կկազմեն համապատասխանաբար շուրջ՝ **3,260,000.0** հազար դրամ և **6,450.000.0** հազար դրամ:

Առաջարկվում է *տնտեսվող* գումարից նվազեցնել 9 ամսվա **3,204,966.0** հազար դրամ և տարեկան **6,202,762.2** հազար դրամ՝ իրականացնելով միջծրագրային վերաբաշխում:

Այսպիսով, 1011 և 1102 ծրագրերից ընդամենը նվազեցվող գումարները կկազմեն՝ 9 ամսվա՝ **(3,837,015.5)** հազար դրամ և տարեկան՝ **(6,864,789.7)** հազար դրամ, և նույն չափով կավելացվեն 1068, 1082, 1102, 1205 ծրագրերին:

3. Առկա խնդրի առաջարկվող լուծումը

Հաշվի առնելով վերոնշյալը՝ առաջարկվում է՝ Հայաստանի Հանրապետության կառավարության 2019 թվականի դեկտեմբերի 26-ի «Հայաստանի Հանրապետության 2020 թվականի պետական բյուջեի կատարումն ապահովող միջոցառումների մասին» N 1919-Ն որոշման մեջ կատարել փոփոխություններ՝ համապատասխան ծրագրերի (միջոցառումների) գծով միջծրագրային վերաբաշխումներ:

4. Կարգավորման առարկան

Նախագծով առաջարկվում է կատարել տվյալ տարվա պետական բյուջեով նախատեսված բյուջետային ելքերի գծով ՀՀ կառավարության կողմից հաստատված արդյունքային (կատարողական) ցուցանիշների փոփոխմանը չհանգեցնող վերաբաշխումներ:

5. Իրավական ակտի կիրառման դեպքում ակնկալվող արդյունքը

Նախագիծն ընդունվելու դեպքում կապահովվի կենսաթոշակների, նպաստների և այլ վճարների, սահմանված ժամկետներում, վճարման գործառույթի պատշաճ իրականացումը:

ՏԵՂԵԿԱՆՔ

«ՀՀ կառավարության 2019 թվականի դեկտեմբերի 26-ի N 1919-Ն որոշման մեջ փոփոխություններ և լրացումներ կատարելու մասին» որոշման նախագծի ընդունման առնչությամբ Հայաստանի Հանրապետության պետական բյուջեում ծախսերի և եկամուտների ավելացման կամ նվազեցման բացակայության մասին

«Հայաստանի Հանրապետության կառավարության 2019 թվականի դեկտեմբերի 26-ի N 1919-Ն որոշման մեջ փոփոխություններ կատարելու մասին» Հայաստանի Հանրապետության կառավարության որոշման նախագծի ընդունման դեպքում Հայաստանի Հանրապետության պետական բյուջեի եկամուտներում և ծախսերում ավելացումներ կամ նվազեցումներ չեն նախատեսվում:

ՏԵՂԵԿԱՆՔ

«ՀՀ կառավարության 2019 թվականի դեկտեմբերի 26-ի N 1919-Ն որոշման մեջ փոփոխություններ և լրացումներ կատարելու մասին» որոշման նախագծի ընդունման կապակցությամբ այլ իրավական ակտերում փոփոխություններ կատարելու անհրաժեշտության բացակայության մասին

«Հայաստանի Հանրապետության կառավարության 2019 թվականի դեկտեմբերի 26-ի N 1919-Ն որոշման մեջ փոփոխություններ կատարելու մասին» ՀՀ կառավարության որոշման նախագծի ընդունման դեպքում այլ իրավական ակտերում փոփոխություններ կատարելու անհրաժեշտություն չի առաջանում: